



Republika e Kosovës – Republika Kosova
Paneli Zgjedhor për Ankesa dhe Parashtresa
Izbornni Panel za žalbe i Predstavke

Anr.617/2021

Paneli Zgjedhor për Ankesa dhe Parashtresa (PZAP), në panelin e përbërë nga gjyqtarët: Adnan Konushevcu kryesues, Kymete Kicaj dhe Afjete Sada-Glllogjani anëtarë, duke vendosur përkritazi me ankesën e subjektit politik Lëvizja Vetëvendosje (LVV), me seli në Prishtinë, paraqitur kundër kandidatit subjektit politik Partia Demokratike e Kosovës (PDK), me seli në Prishtinë, për shkak të shkeljes së Kodit të Mirësjelljes për Subjektet Politike, Mbështetësit e tyre dhe Kandidatët, në fushatën zgjedhore për Zgjedhjet Lokale 2021, që janë mbajtur më 17.10.2021, në seancën e panelit të mbajtur me datë 18.10.2021, mori këtë:

V E N D I M

I. PRANOHET e bazuar ankesa Anr.617/2021 e datës 15.10.2021, e parashtruar nga subjekti politik Lëvizja Vetëvendosje me seli në Prishtinë, ndërsa subjektit politik Partia Demokratike e Kosovës, me seli në Prishtinë, i shqiptohet dënimi më gjobë në shumë prej 1,200.00 (një mijë e dyqind) euro, për shkak të shkeljes së Kodit të Mirësjelljes për Subjektet Politike, Mbështetësit e tyre dhe Kandidatët, në fushatë zgjedhore, për Zgjedhjet Lokale 2021 të mbajtura me datë 17.10.2021.

II. Detyrohet Subjekti Politik Partia Demokratike e Kosovës, me seli në Prishtinë, që gjobën e shqiptuar si në pikën -I-, të dispozitivit të këtij vendimi, ta paguaj në afat prej 15 ditëve, nga dita e marrjes së këtij vendimi, nën kërcënim e shqiptimit të dënimit shtesë.

A r s y e t i m

PZAP me datë 15.10.2021, përmes postës ka pranuar ankesën Anr.617/2021 të datës 15.10.2021 nga subjekti politik Lëvizja Vetëvendosje me seli në Prishtinë me të cilën pretendon se me datë 12.10.2021 rreth orës 13:00, aktivistet e Lëvizjes Vetëvendosje, Qendra Prishtinë, kanë vërejtur se, në sheshin “Zahir Pajaziti” në Prishtinë, kandidati Amir Mustafa nga radhët e Partisë Demokratike të Kosovës për Kuvend Komunal në Prishtinë, në Zgjedhjet Lokale të 17 Tetorit 2021, ka vendosur material - poster lidhur me fushatën zgjedhore të subjektit politik të tij.

Parashtruesi i ankesës pretendon se subjekti politik Partia Demokratike e Kosovës ka shkelur dispozitat e nenit 33, par 1, pika b) e Ligjit për Zgjedhjet e Përgjithshme si dhe Rregullën Zgjedhore nr.11/2013 Kodit të Mirësjelljes për Subjektet Politike, Mbështetësit e tyre dhe Kandidatët si dhe nenin 3 para 3.2 të Rregullës Zgjedhore nr.01/2012 për kategorizimin e sanksioneve dhe gjobave. Si dëshmi ka bashkangjitur fotografi në formë të printuar nga vendi ku shihen posterit i vendosur në shtyllë elektrike.

PZAP duke vepruar në pajtim me nenin 7 paragrafi 1 të Rregullës Nr.02/2015 Rregullat dhe Procedurat, me datë 15.10.2021 i ka paraqitur subjektit politik Partia Demokratike e Kosovës kërkesë për përgjigje lidhur me ankesën Anr.617/2021 në të cilën i ka kërkuar që të përgjigjet deri me datë 16.10.2021 në ora 12:00.

Me datë 16.10.2021, subjekti politik PDK ka paraqitur pranë PZAP-së përgjigjen në ankesë në të cilën thekson se lidhur me rastin sapo ishte njoftuar atë ditë që ishte vendosur posterit duke qenë të vetëdijshëm se materiali i tillë është në kundërshtim me Ligjin Nr.03/1-072 për Zgjedhjet Lokale në RKS-së ka njoftuar kandidatin për Asamble Komunale Amir Mustafa i cili përmes emailit ka theksuar se materiali/posterit i vendosur në shesh ishte vendosur pa dijeninë e tij nga mbështetësit dhe nuk ka qenë e organizuar andaj si i tillë ishte larguar menjëherë pak orë pasi që ishte vendosur. Si dëshmi për këtë ka bashkangjitur krahas përgjigjes në ankesë edhe e-mailin e kandidatit Amir Mustafa përmes të cilit ka njoftuar se ka marrë masa për largimin e posterit si dhe një fotografi të printuar nga vendi ku ka qenë i vendosur ky poster.

Paneli, pasi që shqyrtoj të gjitha shkresat e lëndës në kuptim të nenit 117 par. 2 të LZP-së, gjeti se:

Ankesa është e bazuar

Duke u nisur nga gjendja e konstatuar faktike Paneli, konstaton se nga provat e ofruara shihet qartë se kandidati për Kuvend Komunal në Prishtinë Amir Mustafa nga radhët e subjektit politik Partia Demokratike e Kosovës, me qëllim të promovimit të subjektit të tij politik dhe vetvetes përmes posterit ka shfrytëzuar shtyllën elektrike në hapësirë publike duke vepruar në kundërshtim me Kodin e Mirësjelljes për Subjektet Politike, Kandidatët dhe Mbështetësit neni 33.1 e LZP-së, ku përcaktohet se: “ *Vendosja e njoftimeve, pllakateve dhe posterëve, ose përndryshe, vendosja e emrave të tyre ose sloganeve në lidhje me fushatën zgjedhore brenda ose jashtë ndërtesave publike ose godinave, në apo mbi rrugët publike, shenja publike të trafikut...*”, duke bërë publik emrin e tij me numrin në listën zgjedhore të subjektit politik Partia Demokratike e Kosovës, gjë e cila është veprim i ndaluar sipas LPZ-së.

Paneli gjatë vendosjes si në dispozitiv ka marrë parasysh po ashtu edhe përgjigjen në ankesë të subjektit politik Partia Demokratike e Kosovës, e cila me rastin e pranimit të ankesës për të dhënë përgjigje në ankesë, ka ndërmarrë veprime përmirësuese duke e larguar posterin lëndor nga shtylla elektrike, e cila ka ndikuar në lartësinë e gjobës së shqiptuar si në dispozitiv të këtij vendimi.

Andaj, me rastin e vendosjes se gjobës si në dispozitiv të këtij vendimi, Paneli ka marrë parasysh të gjitha rrethanat si në vijim: natyrën e shkeljes dhe ndikimit të mundshëm të saj në procesin zgjedhor në fjalë, shkallën dhe peshën e shkeljes (shkelja është e përsëritur), pjesëmarrjen në proceset e më hershme zgjedhore të subjektit politik Partia Demokratike e Kosovës konsiston në faktin se kandidati për deputet nga radhët e këtij subjekti, ka qenë i njoftuar me obligimet dhe përgjegjësit gjatë procesit të fushatës, dhe se shkeljet e ligjeve dhe rregullave zgjedhore në fuqi që ka bërë subjekti në fjalë në këto zgjedhje dhe në zgjedhjet e mëparshme në Kosovë që do të thotë se i njëjti është i njoftuar me rregullat zgjedhore si dhe shumën e fondeve që ka marrë subjekti politik prej Buxhetit të Republikës së Kosovës.

Përveç të cekurave më lartë Paneli, me rastin e vendosjes i vlerësoi edhe të gjitha pretendimet e subjektit politik Partia Demokratike e Kosovës, në kuadër të pretendimeve të theksuara në përgjigje në ankesë, mirëpo të njëjtët ishin jo relevante dhe pa ndikim për një vendimmarrje ndryshe nga ajo që është vendos.

Nëse subjekti të cilit i është shqiptuar dënimi nuk e paguan të njëjtin brenda afatit të përcaktuar në dispozitiv të tij, atëherë në pajtim me nenin 120.2 të LZP-së, subjektit do ti shqiptohet dënim shtesë. Ky paralajmërim për dënim shtesë është përcaktuar me nenin 120.2 të LZP, i cili përcakton: “ 120.2 Dështimi për të paguar dënimin apo për t’ju bindur një urdhërese të PZAP-it brenda periudhës kohore të saktësuar në vendimin e PZAP-it, është një shkelje tjetër e këtij ligji që mund të sanksionohet me dënim shtesë nga PZAP-i. ”, ashtu siç është vendosur në pikën II të dispozitivit të këtij vendimi.

Paneli, në kuptim të nenit 120.1, pika c), dhe nenit 118.1, të LZP-së, vendosi si në dispozitiv të këtij vendimi.

Paneli Zgjedhor për Ankesa dhe Parashtresa
Anr.617/2021 më datën 18.10.2021

Kryesuesi i Panelit
Adnan Kanushovi



Këshilla Juridike: Kundër këtij vendimi nuk lejohet ankesa konform nenit 118 paragrafi 4 të LZP-së.